



**Convenio de colaboración entre a Consellería do Mar, a Universidade da Coruña e a Fundación da Universidade da Coruña para o Plan da Cultura Marítima de Galicia-Horizonte 2030 (PCUMA).**

Dunha parte, dona Rosa Quintana Carballo, conselleira do Mar, actuando en nome e representación da Xunta de Galicia, en virtude das facultades recoñecidas polo artigo 34.1 da Lei 1/1983, do 22 de febreiro, de normas reguladoras da Xunta e da súa presidencia.

Doutra parte, don Julio E. Abalde Alonso, Reitor Magnífico da Universidade da Coruña, en uso das atribucións que lle confire o artigo 34.1 dos Estatutos desta Universidade, aprobados por Decreto 101/2004, do 13 de maio (DOG do día 26 do mesmo mes e ano) e modificados polo Decreto 194/2007, do 11 de outubro (DOG do 17 de outubro).

E doutra parte, Don José María Barja Pérez Presidente do padroado Fundación Universidade da Coruña (FUAC da Fundación Universidade da Coruña (en diante, FUAC) en nome e representación do devandito organismo, que foi constituída ante notario don Pablo Valencia Ces, o 24 de marzo de 1997 e inscrita no rexistro auxiliar de fundacións co núm. 183, con facultades suficientes para a formalización do presente acto segundo nomeamento acordado no Padroado celebrado o 18 de novembro de 2004.

Cada parte intervén en función do seu cargo, no exercicio das facultades que para convir en nome das entidades que representan teñen conferidas, recoñecéndose



mutua e respectiva competencia e capacidade suficiente para formalizar o presente convenio de colaboración.

## EXPOÑEN

### Primeiro.-

Que a Lei 14/2011, de 1 de xuño, da Ciencia, a Tecnoloxía e a Innovación, no seu artigo 34.1 establece que os axentes públicos de financiamento ou execución do Sistema Español de Ciencia, Tecnoloxía e Innovación, incluídas as Administracións Públicas, as Universidades Públicas, os organismos públicos de investigación da Administración Xeral do Estado, os organismos de investigación doutras administracións públicas, e os centros e institucións do Sistema Nacional de Saúde, poderán subscribir convenios suxeitos ao dereito administrativo.

Así mesmo, o devandito artigo 34.1 da citada Lei prevé que poderán celebrar estes convenios os propios axentes públicos entre si, ou con axentes privados que realicen actividades de investigación científica e técnica, nacionais, supranacionais ou estranxeiros, para a realización conxunta de, entre outras, as seguintes actividades:

- a) Proxectos e actuacións de investigación científica, desenvolvemento e Innovación
- c) Financiamento de proxectos científico-técnicos singulares.

### Segundo.-

Que a Consellería do Mar é o órgano da Administración galega ao cal lle corresponden as competencias en materia de ordenación e o fomento do sector pesqueiro, marisqueiro,



acuícola e de transformación dos produtos do mar no ámbito de Galicia, de acordo co establecido no Estatuto de autonomía para Galicia e segundo os termos sinalados pola Constitución española, sen prexuízo das competencias que lles poidan corresponder aos outros organismos da Comunidade Autónoma.

Que segundo o establecido no Decreto 50/2021, do 11 de marzo, polo que se aproba a estrutura orgánica da Consellería do Mar (DOG núm. 58, do 26 de marzo), correspóndelle a esta Consellería, a través da Dirección Xeral de Desenvolvemento Pesqueiro, a investigación mariña e a coordinación, programación e execución das actividades de divulgación e de transferencia tecnolóxica nas comunidades pescadoras e litorais, así como a programación, supervisión, realización e difusión de publicacións e doutro material científico e didáctico.

#### **Terceiro.-**

Que a UDC como institución de servizo público, está aberta á sociedade e ten, entre outros, como fins prioritarios, fomentar a investigación e difundir a cultura no seo da sociedade. Para o mellor cumprimento dos seus fins, a Universidade da Coruña manterá relacións con centros de investigacións e con institucións culturais e sociais, e impulsará a celebración de convenios de investigación con entidades e organismos públicos e privados, así como de contratos para a realización de traballos de carácter científico, técnico ou artístico.

#### **Cuarto.-**

Que a FUAC é unha Fundación de carácter benéfico-docente, constituída para a promoción, desenvolvemento e financiamento das actividades propias da Universidade da Coruña e as súas relacións coa sociedade. É, polo tanto, unha organización non lucrativa, medio propio da Universidade da Coruña, incluída na denominación de fundación universidade - empresa tal e como demostra a composición do Padroado, o obxecto social, e os fines fundacionais establecidos nos Estatutos.



A UDC ten encomendada, a través da Resolución Reitoral do 01.09.2017, pola que se encomenda a xestión económica de contratos de investigación (art.83 da LOU) e das cátedras institucionais, os servizos de xestión económico administrativa, secretariado técnico de apoio á Dirección e outros servizos de apoio. Que segundo o artigo 13 dos seus estatutos, a FUAC terá a consideración de medio propio instrumental do servizo técnico da Universidade da Coruña.

**Quinto. -**

No litoral Galego desenvolvéronse actividades, oficios e modos de vida vencellados ao mar, condicionados dende o inicio polas peculiaridades xeográficas e climatolóxicas da súa localización, que deron lugar a una “cultura” característica. O estudo pretende analizar dende unha perspectiva científico-didáctica as conexións e a transferencias destas comunidades litorais e do seu patrimonio, que creceron mantendo en equilibrio o ecosistema costeiro tradicional.

**Sexto.-**

A totalidade das manifestacións culturais (construcións, obxectos e creación inmateriais) é o que se considera como un sistema ou conxunto de gran valor histórico e patrimonial a preservar e no que avanzar ao futuro. Un patrimonio ligado ao mar que explica a transformación do territorio e do modo de vida da xente do mar, da súa construción social e cultural ao longo do tempo, e da evolución dos seus oficios e técnicas.

Así que, sendo patente a vontade de colaboración das entidades comparecentes, as partes acordan a subscripción do presente Convenio, que se desenvolverá en íntima colaboración, compartindo por igual os seus fins e de acordo coas seguintes,



## CLÁUSULAS

### Primeira.- Obxecto

O obxecto do presente convenio é establecer as condicións da colaboración entre a Consellería de Mar, a Universidade da Coruña e a Fundación da Universidade da Coruña para o desenvolvemento do Plan da Cultura Marítima-Horizonte 2030.

As accións a executar no marco deste Convenio son as que se especifican no Anexo I dirixidas á redacción do documento base: Plan da Cultura Marítima de Galicia-Horizonte 2030.

### Segunda.- Compromisos das partes

1. A UDC, comprométese a realizar os traballos de investigación recompilación e estudo para a elaboración do Plan, de acordo coas actividades e plan de traballo recollidos no Anexo I deste convenio.

A Universidade da Coruña entregará os resultados dos traballos realizados conforme ao cronograma establecido no Anexo I.

2. A Consellería de Mar, a través da Secretaría Xeral Técnica e da Dirección Xeral de Desenvolvemento Pesqueiro, comprométese a facilitar, cando sexa preciso, o apoio e asesoramento técnico en relación coas actuacións deste convenio.

3. A FUAC ao abeiro da Resolución Reitoral da Universidade da Coruña do 01.09.2017, pola que a Universidade da Coruña lle encomenda a xestión económica de contratos de investigación (art.83 da LOU) e das cátedras institucionais, terá as seguintes obrigas:

- a. A administración e xestión económica deste Convenio.
- b. Levar unha contabilidade analítica individualizada para este proxecto.
- c. As facturas e documentos xustificativos dos gastos do proxecto serán a nome da FUAC
- d. figurando os seus datos e CIF G-15597289.



- e. Os pagos dos gastos do proxecto realizaranse dende a conta da FUAC indicada na cláusula cuarta.
- f. Os documentos orixinais do gasto estarán en posesión de FUAC, que se compromete a conservar os documentos xustificativos da aplicación dos fondos recibidos, en tanto poidan ser obxecto de actuacións de comprobación e control.
- g. Os ditos comprobantes de gastos responderán aos medios especificados no orzamento para cada tipoloxía de gasto indicados no convenio

### **Terceira.- Financiamento**

Para levar a cabo o obxecto do convenio, a Consellería do Mar aportará a cantidade de cento noventa e dous mil cincocentos corenta euros (**192.540,00 €**), que se financiarán con cargo a partida orzamentaria 15.01.721A.640.2 (código de proxecto 2016 324) dos orzamentos xerais da Comunidade Autónoma de Galicia para os anos 2021-2023 distribuídos do seguinte xeito:

Anualidade 2021: 65.540,00 euros

Anualidade 2022: 68.500,00 euros

Anualidade 2023: 58.500,00 euros

Dita cantidade será aboada pola Consellería do Mar á Fundación Universidade da Coruña, por ter esta encomendada a xestión económica deste convenio, mediante transferencias bancarias na c/c número IBAN ES2080/0000/74/3040159702 “concepto” de Abanca, en rúa xxxx – A Coruña, tras a entrega por parte da UDC da documentación que figura na Cláusula Cuarta.

### **Cuarta.-Xustificación e pagamento**

O importe que achega a Consellería do Mar ten como destino a compensación dos custos nos que incorre a Universidade da Coruña no desenvolvemento das actividades obxecto do presente convenio, polo que non existe ánimo de lucro por parte desta última.



Este importe cubrirá os custos das persoas investigadoras e do persoal de apoio, gastos correntes de viaxes, axudas de custo, material funxible, custos web e custos indirectos, tal e como se especifica no Anexo II.

Con data límite 15 de decembro de cada ano de vixencia do convenio, a UDC achegará a seguinte documentación:

- a. Unha memoria da actividade científico-técnica realizada en cada período de xustificación.
- b. A memoria económica coa xustificación dos gastos incorridos no período de xustificación. A UDC entregará xustificación documental dos gastos realizados baixo este convenio mediante as correspondentes facturas e/ou certificados.

Previo ao aboamento que corresponda certificarase, polo responsable do proxecto, que os traballos realizados se axustan ao previsto no presente Convenio.

No caso de que a xustificación dos gastos e pagos sexa inferior o importe fixado na estipulación terceira do convenio, a aportación da Consellería do Mar diminuirá de xeito proporcional.

#### **Quinta.- Responsables dos traballos**

Por parte da UDC será responsable das actividades obxecto do presente convenio don Oscar Fuertes Dopico- Investigador principal, profesor da Universidade da Coruña.

Por parte da Consellería de Mar será o responsable da recepción dos informes e da expedición das oportunas certificacións a Secretaría Xeral Técnica.

#### **Sexta.-Comisión de Seguimento**

Constituirase unha Comisión de Seguimento á que lle corresponderá, a resolución dos problemas de interpretación, modificación, resolución ou efectos que poidan xurdir durante a execución do convenio, así como a resolución dos problemas de cumprimento das accións derivadas deste convenio, e no seu caso, arbitrar os mecanismos de



solución de controversias e de denuncia do convenio por algunha das partes, que se reunirá, cando o solicite unha das partes, e que estará constituída do seguinte xeito:

Pola Consellería do Mar:

- A persoa titular da Secretaría Xeral Técnica ou a persoa en que delegue, que a substitúa.
- A persoa titular da Dirección Xeral de Desenvolvemento Pesqueiro ou a persoa en que delegue, que a substitúa.

Pola Universidade da Coruña:

- Don Oscar Fuertes Dopico - Investigador principal, profesor asociado da Universidade da Coruña ou a persoa en quen delegue, que a substitúa.
- Don Salvador Naya Fernández, Vicerreitor de Investigación da Universidade da Coruña ou a persoa en quen delegue, que a substitúa.

### **Sétima.- Da propiedade dos datos e da difusión dos resultados**

A consellería do Mar e a UDC manterán a confidencialidade sobre calquera información relativa aos resultados, sempre que non sexa de dominio público, non desvelándoa de ningún xeito sen autorización expresa da outra parte e non utilizándoa para calquera outro propósito que non sexa o expresamente permitido por este convenio.

A propiedade e utilización científica dos datos obtidos a partir das experiencias desenvolvidas no proxecto e os resultados finais da investigación serán exercidas conxuntamente pola Consellería do Mar e a Universidade da Coruña. Todas as partes, unha vez executadas as investigacións descritas, comprométense a intercambiar o material científico e os coñecementos obtidos, así como a publicar conxuntamente os resultados da investigación obxecto do convenio.

Cando se realice calquera tipo de comunicación ou divulgación dos resultados, xa sexa parcial ou total, farase mención explícita ao feito de que os datos obtidos a partir das experiencias desenvolvidas na acción de investigación e os resultados das análises son froito deste convenio de colaboración.



### **Oitava.- Vixencia e Prórroga**

O presente convenio estará vixente desde a data da súa sinatura ata o 31 de decembro de 2023. Antes de rematar a súa vixencia poderán as partes acordar expresamente a súa prórroga, logo da correspondente tramitación.

### **Novena.- Modificación**

Este convenio poderá ser modificado por mutuo acordo das partes, a través da formalización da correspondente Addenda.

### **Décima- Resolución**

O presente convenio resolverase por:

- a. Incumprimento das cláusulas que o regulan.
- b. O transcurso do prazo de vixencia do convenio sen acordarse a prórroga do mesmo.
- c. O transcurso do prazo de vixencia do mesmo incluído o período de prórroga, no caso de que así se acordase.
- d. Por mutuo acordo das partes asinantes.
- e. Calquera outras causas de resolución previstas no ordenamento xurídico.

### **Décimo primeira.- Confidencialidade**

Toda a información necesaria para a realización das actuacións subministrada por calquera das partes manterase en confidencialidade, a excepción das persoas que estean autorizadas para transmitila.



A información subministrada utilizarase exclusivamente para as tarefas previstas no marco do traballo definido neste convenio.

#### **Décimo segunda.- Protección de datos**

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos); da Lei Orgánica 3/2018, do 5 de decembro, de Protección de Datos Persoais e garantía dos dereitos dixitais, do Real Decreto 1720/2007, do 21 de decembro, polo que se aproba o Regulamento de desenvolvemento da LOPD, e demais normativa vixente de aplicación en cada momento en materia de protección de datos.

#### **Décimo terceira.- Rexistro de convenios. Transparencia e bo goberno**

A firma do convenio suporá o consentimento expreso da Universidade da Coruña á Administración da Xunta de Galicia para incluír e facer públicos os datos referidos ao convenio de conformidade co artigo 15 da Lei 1/2016, de 18 de xaneiro, de transparencia e bo goberno, e co artigo 8 da Lei 19/2013, de 9 de decembro, (BOE 10-12-2013) de transparencia, acceso a la información pública e bo goberno e co decreto 126/2006, de 20 de xullo, polo que se regula o Rexistro de convenios da Xunta de Galicia.

#### **Décimo cuarta.- Relación laboral**

A subscrición deste convenio non implicará relación laboral, contractual ou de calquera outro tipo entre a Consellería do Mar e os profesionais da Universidade da Coruña e os da súa fundación, que realicen as actividades obxecto deste convenio.



### **Décimo quinta.- Natureza do Convenio**

Este convenio queda fóra do ámbito de aplicación da Lei 9/2017, de 8 de novembro, de contratos do Sector Público, conforme ao establecido no seu artigo 6 e subscríbese ao abeiro da Lei 14/2011, de 1 de xuño, da Ciencia, a Tecnoloxía e a Innovación.

Este convenio ten carácter administrativo e os seus efectos rexeranse polo establecido nas súas estipulacións, e quedará suxeito ao disposto nos artigos 47 e seguintes da Lei 40/2015, de 1 de outubro, do réxime xurídico do sector público, na lei 1/2016, do 18 de xaneiro de transparencia e bo goberno, no Decreto 126/2006, do 20 de xullo, polo que se regula o rexistro de convenios da Xunta de Galicia, e demais normativa de aplicación.

### **Décimo sexta.- Xurisdición**

As partes comprométense a resolver de maneira amigable calquera desacordo que poida xurdir no desenvolvemento deste convenio. As cuestións litixiosas que poidan xurdir na interpretación ou no cumprimento das obrigas que se deriven do presente convenio, e que non poidan ser dirimidas pola Comisión de Seguimento creada para tal efecto, quedarán sometidas á xurisdición contencioso administrativa, de conformidade coa Lei 29/1998, do 13 de xullo, reguladora da devandita xurisdición.

En proba de conformidade, asinan o presente convenio de colaboración

En Santiago de Compostela, 4 de agosto de 2021

A Conselleira do Mar

O Reitor da UDC

Rosa María Quintana Carballo

Julio E. Abalde Alonso

O Presidente da FUAC



XUNTA DE GALICIA  
CONSELLERÍA DO MAR



UNIVERSIDADE DA CORUÑA galicia

Don José María Barja Pérez



## ANEXO I

### 1. Actividade a realizar

O obxectivo do presente traballo é redactar o documento base do Plan da cultura marítima de Galicia-Horizonte 2030. O plan definirá as guías principais, propoñendo compromisos, liñas estratéxicas, iniciativas e accións para os próximos anos 2021-2023 en cada unha delas.

A totalidade das manifestacións culturais (construcións, obxectos e creacións inmateriais) é o que se considera como un sistema ou conxunto de gran valor histórico e patrimonial a preservar e no que avanzar ao futuro. Un patrimonio ligado ao mar que explica a transformación do territorio e do modo de vida da xente do mar, da súa construción social e cultural ao longo do tempo, e da evolución dos seus oficios e técnicas.

Realizarase unha investigación cualitativa dirixida por un Profesor Doutor de experiencia no sector (Dr. Oscar Fuertes Dopico), xunto as estratexias de debate en conxunto cun grupo de expertos vinculados ó sector do mar e de diferentes mesas participativas coas principais asociacións vinculadas á cultura marítima, para que se engloben todos os aspectos da sociedade no futuro Plan de Cultura Marítima. Á parte do debate interno no seo académico, presentarase tamén noutros foros nos que participarán as consellarías de Cultura, Mar ou Medio Ambiente, Territorio e Vivenda.

### 2. Plan de Traballo

Se traballará no conxunto global do territorio litoral, e as distintas actividades por realizar buscasen definir as liñas principais das políticas e versións culturais da Galicia litoral, unindo as tradicións, o valor do patrimonio marítimo e os pasos a seguir no futuro para garantir así a súa coherencia e continuidade:

INVESTIGACIÓN	
<b>PLANS DE TRABALLO XERAL:</b>	
<b>PT01:</b> TRABALLO DE CAMPO	Reunións, mesas debate e visitas.
<b>PT02:</b> BORDO LITORAL	As Rías. Costumes, modificacións e estado.
<b>PT03:</b> COMUNIDADES LITORALES	Sociedade, Oficios e economía.
<b>PT04:</b> PATRIMONIO e PAISAXE	Mobiliario, Inmaterial, Construcións e paisaxe.



<b>PT05:</b> INVESTIGACIÓN	
<b>PT06:</b> DIRECCIÓN E XESTIÓN	
<b>SUBSISTEMAS DE ESTUDO <u>CONCRETO</u>:</b>	
01. PATRIMONIO CULTURAL 02. CREACIÓN E EXPRESIÓN ARTÍSTICA 03. INDUSTRIAS CULTURAIS 04. AXENTES E CENTROS	

**FASE 1:** Elaboración dunha análise para un diagnóstico concreto da cultura e o mar. Creación dos grupos de expertos e dos grupos de traballo. Identificación e redacción das liñas de actuación e accións por eixos estratéxicos. Investigación cualitativa mediante técnicas como á observación participante e as entrevistas estruturadas (conversas-debate-relatorios) específicos para os ámbitos nos que se articulan os catro subsistemas da cultura marítima galega (patrimonio cultural, creación e expresión artística, industrias culturais e Axentes-centros).

**FASE 2:** Elaboración dun documento marco preliminar e lanzamento do **Plan da cultura marítima-Horizonte 2030** entre os axentes culturais.

**FASE 3:** Redacción dos dispositivos de seguimento e realización das accións: executar as posibles ou dirixir- enfocar os medios para levalas a cabo, desde unhas garantías de coñecemento, de coordinación e de políticas públicas.

**FASE 4:** Análise e resultado das accións. Plantexamento de futuro e evolución do aspecto organizativo. Elaboración dun documento de avaliación.

**FASE 5:** Aceptación da cultura marítima galega e integración dos subsistemas. Coordinación dende a pluralidade dos efectos das accións e das necesidades futuras. Xerar dende a identidade.

**FASE 6:** Elaboración dun documento de actualización do Plan. O Plan proposto quere ser un documento vivo e en permanente construción e reflexión, en diálogo coa acción.

### 3. Cronograma

O documento base do Plan da cultura marítima establécense datas de entregas:



Entregas	Fases	2021	2022	2023
<b>Presentación BORRADOR</b>	Fase 1. Etapa de investigación.	11 de Outubro		
<b>Documento PLAN DA CULTURA MARÍTIMA</b>	Fase 2. Elaboración do documento marco preliminar do PCUMA	16-23 de Decembro		
<b>Presentación Accións e eixos.</b>	Fase 3. Etapa de investigación e realización das accións		15-30 Xuño	
<b>Documento Avaliación</b>	Fase 4. Etapa de seguimento e realización das accións		10-23 de Decembro	
<b>Presentación Integración cultural.</b>	Fase 5. Coordinación dos efectos das accións e das necesidades.			15-30 Xuño
<b>PLAN DA CULTURA MARÍTIMA E OPCIÓNS DE FUTURO</b>	Fase 6. Construción e reflexión.			10-20 de Decembro

## ANEXO II

A continuación recóllense as partidas de gasto previstas neste convenio:

PARTIDAS	2021	2022	2023	TOTAL



Custos PDI	Honorarios investigadores en servicios de dirección e grupo de expertos-asesores.	29.300	29.300	20.300	78.900,00
Custos Persoal Grupo traballo	Honorarios de persoal por servicio de apoio para a realización da investigación.	22.300	28.300	28.300	78.900,00
Viaxes e dietas	Gastos asociados os diferentes desprazamentos por todo o litoral galego para as diversas reunións.	1.520	595	895	3.010
Material funxible e pequeno equipamento.	Material básico e pequeno equipamento dixital.	1.400	600	600	2.600
Custos Web e comunicación	Servicios de deseño e mantemento Web acorde ao plan e as fases do mesmo. Pequenos gastos de carteleira	2.500	800	800	4.100
Custos indirectos	Honorarios asociados a secretaría técnica, xestión e administración económica deste convenio.	8.520	8.905	7.605	25.030



Total orzamento :

Actividade Investigadora	<b>57.020,00</b>	<b>59.595,00</b>	<b>50.895,00</b>	<b>167.510,00</b>
Custos indirectos 13%	<b>8.520,00</b>	<b>8.905,00</b>	<b>7.605,00</b>	<b>25.030,00</b>
<b>TOTAL</b>	<b>65.540,00 €</b>	<b>68.500,00</b>	<b>58.500,00</b>	<b>192.540,00</b>